



Bosnia and Herzegovina
Federation of Bosnia and Herzegovina

CANTON SARAJEVO
Ministry of Veteran's Affairs

Broj: 06-19-6087/24
Sarajevo, 04.03.2024.godine

Na osnovu člana 36. Zakona o dopunskim pravima boraca-branitelja Bosne i Hercegovine („Službene novine Kantona Sarajevo“, broj 31/22), člana 4. stav 3. i člana 17. stav 1. Uredbe o načinu i uvjetima rješavanja stambenih potreba branilaca Bosne i Hercegovine („Službene novine Kantona Sarajevo“, broj 43/22), a u skladu sa tačkom 16. Javnog oglasa za podnošenje zahtjeva za ostvarivanje dopunskih prava porodica šehida i poginulih boraca, ratnih vojnih invalida i demobiliziranih branilaca u Kantonu Sarajevo za 2024.godinu, broj 06-37-5385/24 objavljenog u listu „Dnevni avaz“ dana 27.02.2024.godine, Ministarstvo za boračka pitanja Kantona Sarajevo, **objavljuje**

JAVNI POZIV
ZA PODNOŠENJE ZAHTJEVA ZA OSTVARIVANJE PRAVA NA JEDNOKRATNU
BESPOVRATNU DODJELU SREDSTAVA ZA RJEŠAVANJE STAMBENIH POTREBA
BORAČKIH POPULACIJA U KANTONU SARAJEVO

Predmet Javnog poziva je odobravanje jednokratne bespovratne dodjele sredstava za rješavanje stambenih potreba boraca-branitelja Bosne i Hercegovine iz sredstava Ministarstva za boračka pitanja Kantona Sarajevo planiranih Budžetom za 2024.godinu.

Na ovaj Javni poziv zahtjeve mogu podnositi pripadnici boračkih populacija sa područja Kantona Sarajevo koji ispunjavaju uslove propisane Zakonom o dopunskim pravima boraca-branitelja Bosne i Hercegovine („Službene novine Kantona Sarajevo“, broj 31/22), (u daljnjem tekstu: Zakon) i to: članovi porodica šehida i porodica poginulih, umrlih i nestalih branioaca; ratni vojni invalidi i članovi njihovih porodica; dobitnici ratnih priznanja i odlikovanja i članovi porodica poginulih, umrlih i nestalih dobitnika ratnih priznanja i odlikovanja; branioci; demobilizirani branioci; dobrovoljci, organizatori otpora i veterani kao lica zaslužna u odbrambeno-oslobodilačkom ratu sa područja Kantona Sarajevo, kao i mirnodopski vojni invalidi, a u skladu sa Uredbe o načinu i uvjetima rješavanja stambenih potreba branilaca Bosne i Hercegovine („Službene novine Kantona Sarajevo“, broj 43/22) (u daljnjem tekstu : Uredba).

1. OBLIK OSTVARIVANJA PRAVA

Pravo na jednokratnu bespovratnu dodjelu sredstava za rješavanje stambenih potreba ostvaruju lica na slijedeći način:



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-012, Fax: + 387 (0) 33 562-251
Web: <http://mbp.ks.gov.ba>, E-mail: mbp@mbp.ks.gov.ba

- a) jednokratna bespovratna dodjela sredstava u građevinskom materijalu ili
- b) jednokratna bespovratna dodjela sredstava u vidu izvođenja građevinskih radova i pružanja građevinskih usluga ili
- c) jednokratna bespovratna dodjela sredstava putem udruživanja sredstava za kupovinu stambene jedinice.

Predmjer i predračun iznosa ostvarenog prava za tačke a) i b) utvrđuje stručna komisija za procjenu sanacije i izgradnje individualnih stambenih jedinica i kontrolu ugradnje građevinskog materijala i izvedenih radova u skladu sa Pravilnikom o minimumu stambenih uslova za sanaciju i izgradnju stambenih objekata, („Službeni glasnik BiH“, broj 93/06), a visinu iznosa za tačku c) utvrđuje stručna služba Sektora za boračko-invalidsku zaštitu Ministarstva za boračka pitanja KS.

2. KORISNICI PRAVA

Pravo na odobravanje jednokratne bespovratne dodjele sredstava za rješavanje stambenih potreba imaju pripadnici boračke populacije:

a) pod uvjetom da imaju prijavljeno prebivalište, odnosno boravište na području Kantona Sarajevo (u daljnjem tekstu : Kanton), najmanje 10 godina neprekidno do 01.01. one godine u kojoj se predaje zahtjev za ostvarivanje ovog prava;

Pojam neprekidno prebivalište, odnosno boravište na području Kantona podrazumjeva i prekid u boravištu/prebivalištu, ne duže od tri mjeseca u toku jedne kalendarske godine, ukoliko se isti odnosi na prijavu u mjestu prijeratnog prebivališta.

Pravo na jednokratnu bespovratnu dodjelu sredstava za rješavanje stambenih potreba mogu ostvariti lica koja imaju ili su imala status raseljenog lica, s tim da moraju dokazati da nemaju riješeno stambeno pitanje na području Bosne i Hercegovine, odnosno da nisu ostvarili povrat stambene jedinice u entitetu Republika Srpska i da nisu istu prodali ili na drugi način otuđili.

b) ako već ranije nisu riješili stambeno pitanje ili ostvarili pravo na dodjelu stana u vlasništvo ili ako nisu koristili sredstva u vidu jednokratne dugoročne beskamratne novčane pozajmice za rješavanje stambenog pitanja i u vidu jednokratne bespovratne dodjele sredstava za rješavanje stambenih potreba i drugih vidova pomoći za rješavanje stambenog pitanja.;

c) ako su u propisanom roku ovog Javnog poziva predali potpunu dokumentaciju.

3. KRITERIJI ZA BODOVANJE PODNEŠENIH ZAHTJEVA

A - Opći kriteriji:

(1) a) Stambena situacija

1) stambeno pitanje nije riješeno..... 80 bodova,

2) ostali načini rješavanja stambenog pitanja iz člana 5. stav (3) ove Uredbe..... 40 bodova

b) Broj članova porodičnog domaćinstva - za svakog člana porodičnog domaćinstva, podnosioca zahtjeva po.....10 bodova

c) Učešće u Oružanim snagama RBiH

1) učešće od 18. 09. 1991. - 05. 04. 1992. za jedan mjesec..... 8 bodova

2) učešće od 06. 04. 1992. - 15. 04. 1992. 6 bodova

3) učešće od 16. 04. 1992. - 20.06.1992. za jedan mjesec..... 5 bodova

4) učešće od 20. 06. 1992. - 23.12. 1995. za jedan mjesec..... 3 bodova

5) učešće od 01. 01. 1996. - 22.04. 1996. za jedan mjesec..... 1 bodova

Period od 15 dana i više računa se kao pun mjesec, a za svaki period od 14 dana i manje učešće u OS RBiH se neće bodovati.

Bodovi za učešće u OS RBiH pripadaju podnosiocu zahtjeva za svaki naznačeni period i međusobno se zbrajaju.



d) Nosioci najviših ratnih priznanja 40 bodova

e) Starješine ARBiH – komandna mjesta

- 1) general 40 bodova
- 2) brigadir 35 bodova
- 3) pukovnik 30 bodova
- 4) major..... 25 bodova
- 5) kapetan..... 20 bodova
- 6) nadporučnik 15 bodova
- 7) poručnik 10 bodova
- 8) podoficiri. 5 bodova

f) Hronološki red podnijetih zahtjeva – za svaku godinu čekanja..... 40 bodova

(2) Ukupan broj bodova ostvaren po svakoj tački ovog člana međusobno se zbraja.

(3) Za ratne vojne invalide i šehide – poginule branioce, učešće u OS RBiH boduje se za čitav period od momenta stupanja u OS RBiH pa sve do završetka oružane agresije na Bosnu i Hercegovinu (23.12.1996.godine).

B - Posebni kriteriji:

(1) a) Broj poginulih šehida, poginulih, umrlih i nestalih branilaca članova porodičnog domaćinstva

- 1) porodica šehida, poginulih, umrlih i nestalih branioca sa dva i više poginulih i roditelji koji su izgubili jedino dijete..... 70 bodova
- 2) porodica šehida, poginulih, umrlih i nestalih branioca sa jednim poginulim...50 bodova
- 3) roditelji porodica šehida, poginulih, umrlih i nestalih branioca..... 30 bodova

b) Procenat oštećenja organizma

- 1) RVI sa procentom tjelesnog oštećenja 100% I i II grupe..... 50 bodova
- 2) RVI sa procentom tjelesnog oštećenja 90% III grupe..... 45 bodova
- 3) RVI sa procentom tjelesnog oštećenja 80% IV grupe..... 40 bodova
- 4) RVI sa procentom tjelesnog oštećenja 70% V grupe..... 35 bodova
- 5) RVI sa procentom tjelesnog oštećenja 60% VI grupe..... 30 bodova
- 6) RVI sa procentom tjelesnog oštećenja 50% VII grupe 25 bodova
- 7) RVI sa procentom tjelesnog oštećenja 40% VIII grupe..... 20 bodova
- 8) RVI sa procentom tjelesnog oštećenja 30% IX grupe..... 15 bodova
- 9) RVI sa procentom tjelesnog oštećenja 20% X grupe..... 10 bodova

c) Branioci..... 8 bodova

(2) Podnosiocu zahtjeva pripadaju bodovi samo po osnovu jedne tačke ovoga člana, koja je za njega povoljnija.

C - Dopunski kriteriji:

(1) a) Teška bolest podnosioca zahtjeva ili člana porodičnog domaćinstva

Pod teškim bolestima u smislu ove uredbe smatraju se:

- 1) akutna tuberkuloza;
- 2) maligna oboljenja;
- 3) endemska nefropatija;



- 4) stanje poslije hirurškog zahvata srca;
- 5) sva degenerativna oboljenja centralnog nervnog sistema;
- 6) infarkt (srčani, moždani);
- 7) oboljenje mišićnog sistema i paralize.

Sve ove bolesti boduju se pojedinačno sa..... 5 bodova

b) Maloljetni pripadnici OS RBiH

Licima koja su se uključila u OS RBiH u životnoj dobi kada nisu bili vojni obveznici 20 bodova

c) Borački status člana porodičnog domaćinstva

Dodatni borački status za svakog člana porodičnog domaćinstva, koji se ne odnosi na lice koje je ostvarilo bodove po članu 10. tački c) ove Uredbe 20 bodova

d) Materijalna situacija porodičnog domaćinstva podnosioca zahtjeva

- 1) ukupna primanja domaćinstva preko dvije prosječne netto plaće ostvarene u Kantonu u predhodnoj kalendarskoj godini (u daljnjem tekstu: prosječna plaća) 0 bodova.
- 2) ukupna primanja domaćinstva od jedne i po do dvije prosječne plaće..... 5 bodova.
- 3) ukupna primanja domaćinstva od jedne do jedne i po prosječne plaće..... 10 bodova.
- 4) ukupna primanja domaćinstva do visine jedne prosječne plaće.....20 bodova.

e) Status stanovanja

- 1) stanuje u alternativnom smještaju koji je dužan napustiti 40 bodova
- 2) stanuje kao podstanar..... 30 bodova
- 3) stanuje u vlastitoj neuslovnoj stambenoj jedinici 20 bodova
- 4) stanuje kod roditelja..... 10 bodova

(2) Pod primanjima porodičnog domaćinstva podrazumjevaju se ukupna novčana primanja uključujući i primanja po osnovu socijalne i boračko – invalidske zaštite.

(3) Prilikom ostvarivanja prava na dodjelu sredstava putem udruživanja sredstava za kupovinu stambene jedinice vrši se po kriterijima A, B i C , osim po tački (1) a) stava A – opći kriteriji.

(4) Ukupan broj bodova ostvaren po svakoj tački ovog člana međusobno se zbraja.

4. POTREBNA DOKUMENTACIJA

a) Osnovna dokumentacija koju prilaže podnosilac zahtjeva

1. Dokaz o pripadnosti boračkoj populaciji po odredbama člana 1.Zakona o dopunskim pravima boraca-branitelja Bosne i Hercegovine:

- za porodice šehida i porodice poginulog borca, umrlog, nestalog branitelja-reviziono rješenje o priznavanju prava na porodičnu invalidninu i invalidninu i uvjerenje od opštinske službe za boračko-invalidsku zaštitu da i dalje ostvaruje pravo na ličnu invalidninu;
- za branitelja, dobrovoljca i organizatora otpora i veterana - Uvjerenje od općinskog odjeljenja sektora za vojne evidencije Federalnog ministarstva za pitanja boraca i invalida odbrambeno oslobodilačkog rata sa napomenom o postojanju ili nepostojanju okolnosti iz člana 36. Zakona o pravima branilaca i članova njihovih porodica (Obrazac FMB-3a);
- za ratnog vojnog invalida, mirnodopskog vojnog invalida - reviziono rješenje o priznavanju prava na ličnu invalidninu i uvjerenje od općinske službe za boračko-invalidsku zaštitu da i dalje ostvaruje pravo na ličnu invalidninu;



- za dobitnika ratnih priznanja i odlikovanja i člana porodica poginulih, umrlih i nestalih dobitnika ratnog priznanja i odlikovanja-rješenja o ostvarivanju novčane naknade za dobitnike ratnih priznanja – općinski BiZ);

2.naredba o činovanju;

3.uvjerenje o državljanstvu za podnosioca zahtjeva;

4.rodni list za podnosioca zahtjeva i za sve članove porodičnog domaćinstva;

5.kućna lista;

6.uvjerenje o kretanju za podnosioca zahtjeva izdato od PU (policajska uprava gdje podnosilac zahtjeva ima prebivalište, odnosno boravište) koje mora obuhvatiti period najmanje 10 godina neprekidno do 01.01. one godine u kojoj se predaje zahtjev za ostvarivanje ovog prava;

7.dokaz o ukupnim primanjima domaćinstva podnosioca zahtjeva i punoljetnih članova porodičnog domaćinstva (potvrda o primanjima od poslodavca, ček od penzije iz radnog odnosa, odnosno primanja po osnovu lične i porodične invalidnine, egzistencijalne naknade i dr.);

8.izjava ovjerena od općinske službe za ovjeru ako su podnosilac zahtjeva i članovi domaćinstva evidentirani kod Službe za zapošljavanje Kantona Sarajevo;

9.izjava ovjerena od općinske službe za ovjeru o statusu stanovanja podnosioca zahtjeva:

a) stanuje u alternativnom smještaju koji je dužan napustiti,

b) stanuje kao podstanar,

c) stanuje u vlastitoj neuslovnoj stambenoj jedinici,

d) stanuje kod roditelja.

10.a) kada je u pitanju izgradnja stambene jedinice i kupovina nove stambene jedinice:

Izjava ovjerena od općinske službe za ovjeru da podnosilac zahtjeva kao i njegovi članovi porodičnog domaćinstva nisu vlasnici ili posjednici bilo koje stambene jedinice u Kantonu Sarajevo i na ostalim područjima Bosne i Hercegovine niti su podnijeli zahtjev za upis vlasništva na bilo kojoj stambenoj jedinici u Kantonu Sarajevo i na ostalim područjima Bosne i Hercegovine,

b) kada je u pitanju sanacija, rekonstrukcija, adaptacija, preuređenje krovista i potkrovlja u stambeni prostor, pretvaranje zajedničkih prostorija u stambeni prostor ili dogradnja stambene jedinice:

Izjava ovjerena od općinske službe za ovjeru da podnosilac zahtjeva kao i njegovi članovi porodičnog domaćinstva nemaju drugu stambenu jedinicu u vlasništvu ili posjedu niti su podnijeli zahtjev za upis vlasništva na bilo kojoj stambenoj jedinici u Kantonu Sarajevo te na ostalim područjima Bosne i Hercegovine izuzev one koja je predmet ostvarivanja ovog prava.

11.izjava podnosioca zahtjeva da nije dobio donaciju od bilo koga i u bilo kojem iznosu, odnosno izjava za ona lica koja su dobila donaciju tačan iznos odobrene donacije te navesti instituciju od koje je dobio donaciju (izjava od strane podnosioca zahtjeva ovjerena od općinske službe za ovjeru);

12.izjava da nije/jeste bio u statusu raseljenog lica (izjava od strane podnosioca zahtjeva ovjerena od općinske službe za ovjeru).

13.izjava ovjerena od općinske službe za ovjeru da podnosilac zahtjeva i članovi njegovog porodičnog domaćinstva nemaju / imaju dug po osnovu javnih prihoda te da podnosilac zahtjeva i njegovi punoljetni članovi domaćinstva koji su evidentirani kao porezni obveznici (vlasnici, osnivači/odgovorne osobe), imaju/nemaju duga po osnovu javnih prihoda .

a) Dodatna dokumentacija koju po potrebi dostavlja podnosilac zahtjeva

1. dokaz o dodatnom boračkom statusu jednog ili više članova porodičnog domaćinstva (Uvjerenje od općinskog odjeljenja sektora za vojne evidencije Federalnog ministarstva za pitanja boraca i invalida odbrambeno oslobodilačkog rata sa napomenom o postojanju ili nepostojanju okolnosti iz člana 36. Zakona o pravima branilaca i članova njihovih porodica, Obrazac FMB-3a);

2. ljekarski nalaz o teškoj bolesti podnosioca zahtjeva ili člana porodičnog domaćinstva.



b) Dodatna dokumentacija za jednokratnu bespovratnu dodjelu sredstava u građevinskom materijalu i u vidu izvođenja građevinskih radova i pružanja građevinskih usluga za ostvarivanje ovoga prava koju dostavlja podnositelj zahtjeva pored osnovne dokumentacije i to:

- 1) za novu izgradnju, sanaciju, rekonstrukciju, dogradnju stambene jedinice, preuređenje krovišta i potkrovlja u stambeni prostor, te pretvaranje zajedničkih prostorija u stambeni prostor – odobrenje za građenje (ili ZK izvodak sa upisanim stambenim objektom u vlasništvu ili dokaz iz KPU nadležnog suda sa upisanim vlasništvom na stan), odnosno odobrenje za rekonstrukciju ili dogradnju ili preuređenje krovišta i potkrovlja u stambeni prostor ili pretvaranje zajedničkih prostorija u stambeni prostor.
- 2) za legalizirane stambene jedinice – naknadno odobrenje za građenje stambenog objekta ili naknadno odobrenje za legalizaciju stambenog objekta (legalizacija) ili ZK izvodak sa upisanim stambenim objektom u vlasništvu.
- 3) za stambene jedinice u suvlasništvu koje imaju odobrenje za građenje ili ZK izvodak sa upisanim stambenim objektom u suvlasništvu – suglasnost svih suvlasnika za građevinske intervencije na stambenoj jedinici.
- 4) za dogradnju individualne stambene jedinice u vlasništvu osim odobrenja za dogradnju, za potrebe rješavanja stambenog pitanja branioca koji je član porodičnog domaćinstva vlasnika neophodna je suglasnost vlasnika.

Prilikom ostvarivanja prava na dodjelu sredstava u u vidu izvođenja građevinskih radova i pružanja građevinskih usluga, pravo na ovaj vid pomoći imaju:

- djeca bez oba roditelja, roditelji šehida koji su stari, bolesni i iznemogli, naročito roditelji šehida nosilaca najviših ratnih priznanja;
- šehidske porodice koje nemaju mogućnost da same ugrade građevinski materijal;
- ratni vojni invalidi sa visokim stepenom invalidnosti (RVI I, II i III grupe invalidnosti);
- teško oboljeli branioci od oboljenja definisanih u članu 12. stav (1) tačka a) ove Uredbe, koji su korisnici socijalne pomoći ili koji u okviru porodičnog domaćinstva neostvaruju nikakva primanja izuzev primanja po osnovu novčane egzistencijalne naknade.

c) Dodatna dokumentacija za jednokratnu bespovratnu dodjelu sredstava putem udruživanja sredstava za kupovinu stambene jedinice

- Ugovor ili predugovor o kupoprodaji stambene jedinice na ime lica koje traži odobravanje jednokratne bespovratne dodjele sredstava putem udruživanja sredstava za kupovinu stambene jedinice sklopljen sa fizičkim ili pravnim licem, ovjeren od notara ukoliko isti posjeduju ili

Izjava ovjeren od strane notara ili općinske službe za ovjeru da podnositelj zahtjeva ima namjeru kupovine stambene jedinice radi rješavanja stambenog pitanja, te da ukoliko istu dobije prije realizacije navedenog, sklopit će ugovor o kupovini stambene jedinice i pomenuti ugovor ovjeriti kod notara;

d) Dokumentacija koju će Ministarstvo obezbjediti službenim putem

1. dokaz nadležnog organa da podnositelj zahtjeva kao i njegovi članovi porodičnog domaćinstva sa kućne liste jesu-nisu podnijeli zahtjev za legalizaciju stambenog objekta (nadležna općinska služba za urbanizam sa svih općina Kantona Sarajevo-9 općina);
2. dokaz da podnositelj zahtjeva nije vlasnik niti suvlasnik uslovne stambene jedinice na području Kantona Sarajevo, kao ni njegovi članovi porodičnog domaćinstva sa kućne liste (uvjerenje Zemljišno-knjižnog ureda-grunt i KPU sa suda);
3. dokaz iz katastra da podnositelj zahtjeva kao i svi članovi porodičnog domaćinstva sa kućne liste imaju, odnosno nemaju imovine evidentirane u katastru (nadležna općinska služba za katastar sa svih općina Kantona Sarajevo-9 općina);



4. potvrda Kantonalnog stambenog fonda za sve članove domaćinstva sa kućne liste da li su evidentirani kao nosioci stanarskog prava (korisnici) na nekom od stanova u Kantonu Sarajevo;
5. potvrda Službe za zajedničke poslove organa i tijela Federacije BiH za sve članove domaćinstva sa kućne liste da li su evidentirani kao vlasnici odnosno nosioci stanarskog prava (korisnici) na nekom od vojnih stanova u Kantonu Sarajevo;
6. potvrda ili uvjerenje od Ministarstva za rad, socijalnu politiku, raseljena lica i izbjeglice KS za lica koja su prijavila prebivalište-boravište u Kantonu Sarajevo od 30.04.1991.godine da jeste ili nije bio registrovan ni reregistrovan kao raseljeno lice.
7. dokaz od Službe za zapošljavanje Kantona Sarajevo ukoliko je podnosilac zahtjeva nezaposlen i za nezaposlene članove domaćinstva.
8. dokaz od Porezne uprave Kantona Sarajevo ukoliko podnosilac zahtjeva ima odnosno nema porezni dug i za članove porodičnog domaćinstva da li imaju ili nemaju porezni dug, te ostale provjere po potrebi.

Naprijed navedeni dokazi od 1. do 5. prikupljaju se i za poginulog, nestalog i umrlog branitelja.

Ukoliko Ministarstvo pri provjerama koje čini po službenoj dužnosti ustanovi da je podnosilac zahtjeva dao netačne podatke, zahtjev istog će biti odbijen za tu godinu, bez prava na dodatni broj bodova po osnovu hronološkog reda rješavanja u narednoj godini.

5. LICA KOJA NE MOGU OSTVARITI PRAVO

1.Lica koja su ostvarila pravo na dodjelu stana u vlasništvo i lica koja su koristila sredstva u vidu jednokratne dugoročne bespovratne novčane pozajmice za rješavanje stambenih potreba i u vidu jednokratne bespovratne dodjele sredstava za rješavanje stambenih potreba i drugih vidova pomoći u rješavanju stambenog pitanja.

2.Lica koja imaju u vlasništvu jedan ili više poslovnih prostora, izuzev poslovnog prostora u kojem obavlja djelatnost iz koje obezbjeđuje uslove za egzistenciju svojoj porodici

2.Pripadnici boračkih populacija koji nisu imali prebivalište – boravište na području Kantona Sarajevo najmanje 10 godina neprekidno do 01.01. one godine u kojoj se predaje zahtjev za ostvarivanje ovoga prava.

Pojam neprekidno prebivalište, odnosno boravište na području Kantona podrazumjeva i prekid u boravištu/prebivalištu, ne duže od tri mjeseca u toku jedne kalendarske godine, ukoliko se isti odnosi na prijavu u mjestu prijeratnog prebivališta.

3.Lica kojima su dodjeljene novčane pozajmice za otvaranje radnih mjesta i novčane pozajmice za rješavanje stambenih potreba, a nisu uredno izvršili povrat dodjeljenih sredstava ili ne izvršavaju redovno preuzete obaveze vraćanja dodjeljenih sredstava, do izmirenja svojih obaveza po ovom osnovu ne mogu ostvariti ova prava.

4.Pravo na jednokratnu bespovratnu dodjelu sredstava za rješavanje stambenih potreba ne mogu ostvariti lica koja imaju ili su imala status raseljenog lica, a koja imaju riješeno stambeno pitanje na području Bosne i Hercegovine, odnosno ona lica koja su ostvarila povrat stambene jedinice u entitetu Republika Srpska i da su istu prodala ili na drugi način otuđila

5. Pripadnici boračkih populacija kod kojih postoje razlozi navedeni u članu 36. Zakona o pravima branilaca i članovima njihovih porodica („Sl. novine FBiH“ broj. 33/04, 52/5, 70/07, 9/10 i 90/17);



- 6. Pripadnici boračke populacije kao i članovi njihovog porodičnog domaćinstva ako su već ranije podnosili zahtjev za rješavanje stambenog pitanja i isti odbijeni iz razloga uslovnosti stambenog objekta cijenjenog od Komisije za procjenu oštećenja individualnih stambenih jedinica a u skladu sa Pravilnika o minimumu stambenih uslova za sanaciju i izgradnju stambenih objekata („Službeni glasnik BiH“, broj 93/06);
- 8.Pripadnici boračke populacije koji su podnijeli zahtjeve sa nepotpunom dokumentacijom ;
- 9.Pripadnici boračke populacije koji nisu podnijeli zahtjeve u propisanom roku ovog Javnog poziva;
- 10.Podnosioci zahtjeva za koje Ministarstvo za boračka pitanja Kantona Sarajevo provjerom ustanovi da su dali netačne podatke.
- 11. Pripadnici boračke populacije kao i članovi njihovog porodičnog domaćinstva ako imaju dug po osnovu javnih prihoda ili ako imaju dug po osnovu javnih prihoda a evidentirani su kao poreski obveznici (vlasnici, osnivači/ odgovorne osobe).

NAPOMENE:

1) Podnosioci zahtjeva koji su u 2023. godini imali potpunu dokumentaciju u roku ovog Javnog poziva podnose uz aplikaciju:

- Izjavu da ostaju pri svom ranijem zahtjevu iz 2023. godine, te da se stambena situacija u međuvremenu nije promjenila;
- Dokumentaciju koja se traži ovim pozivom, a došlo je do promjene u 2023. godine, i to:
4.a) 3.,6., i 7. ako je došlo do promjene i novu izjavu 13.;

2) Podnosioci zahtjeva koji su u 2023. godini odbijeni zbog nepotpune dokumentacije ili zakašnjele prijave u roku ovog Javnog poziva podnose uz aplikaciju:

- Izjavu da ostaju pri svom ranijem zahtjevu iz 2023. godine, te da se stambena situacija u međuvremenu nije promjenila;
- Dokumentaciju koja se traži ovim pozivom, a nije dostavljena u pozivu iz 2023. godine, i to:
4.a) 4.,5, 6 i 7. ako je došlo do promjene;
- 4.b) 1. i 2. ako ima,

Te ostalu nedostajuću dokumentaciju ako nije predata po tačkama 4.a) 1. - 13., i 4.c) od 1 do 4.

3) PODNOSIOCI ZAHTJEVA KOJI SU 2023.GODINE ODBIJENI ZBOG NETAČNO DATIH PODATAKA PODNOSE KOMPLETNU DOKUMENTACIJU KAO DA PRVI PUT PODNOSE ZAHTJEV.

6. ROKOVI PODNOŠENJA ZAHTJEVA

Prijem zahtjeva Ministarstvo za boračka pitanja Kantona Sarajevo će vršiti 30 dana od dana objavljivanja Javnog poziva.

7. MJESTO PREUZIMANJA ZAHTJEVA

Zahtjevi na posebno propisanim obrascima sa potrebnom dokumentacijom mogu se preuzeti putem info punkta ministarstva, web stranice Ministarstva za boračka pitanja Kantona Sarajevo (www.mbp.ks.gov.ba), općinskih službi za BiZ i boračkih udruženja po mjestu prebivališta.

8. MJESTO PODNOŠENJA ZAHTJEVA

Za priznavanje i ostvarivanje navedenog oblika prava, podnose se zahtjevi na posebno propisanim obrascima sa potrebnom dokumentacijom na slijedeću adresu: Ministarstvo za boračka pitanja



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-012, Fax: + 387 (0) 33 562-251
Web: <http://mbp.ks.gov.ba>, E-mail: mbp@mbp.ks.gov.ba

Kantona Sarajevo, ulica Reisa Dž. Čauševića br.1, 71000 Sarajevo **preporučeno putem pošte**, sa naznakom na koverti: **“ZA JEDNOKRATNU BESPOVRATNU DODJELU SREDSTAVA ZA RJEŠAVANJE STAMBENIH POTREBA“** ili putem protokola Kantona Sarajevo u šalter Sali Kantona Sarajevo.

Informacije vezano za predmet Javnog poziva mogu se dobiti putem telefona info-punkta Ministarstva za boračka pitanja Kantona Sarajevo telefon: 033/562-273 i Sektora ministarstva telefon 033/562-009.

9. OBRADA ZAHTJEVA

Nakon završene obrade zahtjeva i formiranja bodovne liste lica koja su u skladu sa ovim Javnim pozivom, zakonom i pravilnikom ostvarili neka od naznačenih prava, Ministarstvo za boračka pitanja Kantona Sarajevo objaviće Obavještenje u sredstvima javnog informisanja i web stranici Ministarstva za boračka pitanja Kantona Sarajevo (www.mbp.ks.gov.ba), da će rezultati biti dostupni na web stranici Ministarstva za boračka pitanja Kantona Sarajevo i putem telefona info-punkta Ministarstva za boračka pitanja Kantona Sarajevo (telefon: 033/562-273).

NAPOMENA:

- **Obavezno predavati fotokopije dokumenata koje moraju biti ovjerene ili original dokumenta, ne starijih od 6 mjeseci uključujući i medicinsku dokumentaciju.**
- **Predata dokumentacija se neće vraćati podnosiocima zahtjeva.**
- **Nepotpuni i neblagovremeni zahtjevi se neće uzeti u razmatranje.**

